

百僚金鑑

百僚金鑑卷之八

燕潔

古之六計。以燕為先。今之八法。以貪為最。蓋貪之與
燕。如黑白之各別。如東西之易位。出乎此。則入乎彼。
必然之勢也。故鹿可瘞也。而願不可忍。魚可懸也。而
指不可染。寧却金於暮夜。勿攫金於白晝。寧為琴鶴
之隨。勿忘囊索之懸。斯朝廷嘉其高節。而朋卷仰其
清風也。若苞苴是營。而簋簠不飾。則悖入而悖出。賄
聚而焚身。悔何及哉。故據其清廉者。以勸將來。

楊震

楊震。字伯起。遷東萊太守。當之郡。道經昌邑。邑令王密。夜懷金以遺震。震曰。故人知君。君不知故人。何也。密曰。暮夜無知者。震曰。天知。地知。爾知。我知。何謂無知者。密愧而去。丁南湖曰。伯起以清白傳後。子曰。東。孫曰。賜。曾孫曰。繼踵宰相。為世所貴。積善之家。必有餘慶。其惟閔西之謂乎。

按楊秉為太尉。清白寡慾。嘗稱我有三不惑。酒色財也。震所謂清。白。子。孫。已。見。一。斑。矣。

管寧

漢管寧。少與華歆為友。嘗共鋤菜。見地有金。華揮鋤不顧。

與走石無異。欲捉而擲之人。以是知優劣。

校管寧。字幼安。當漢魏之際。居遼西三十年。孟觀薦之。明帝。安車蒲輪。聘之。不就。寧家貧好學。在家嘗着皂帽。衣裙而已。文山詩曰。或為遼東帽。清操厲冰雪。

李景讓

唐李景讓。母鄭氏。性嚴明。早寡。家貧。子幼。每自教之。宅後墻陷。得錢盈船。母視之曰。吾聞無勞而獲。身之灾也。天必以先君餘慶。矜其貧而賜之。則願諸孤學問有成。此不敢取。遽命掩而築之。景讓宦達。髮已斑白。小有過。不免箠楚。第景讓下第。景讓不肯為主司。曰。朝廷取士。自有公道。豈

肯效人求關節乎。

劉溫叟

宋劉溫叟。性重厚方正。事繼母以孝聞。開封尹趙光義聞其清介。嘗遣府吏賫錢五百千。遺溫叟。不敢却。貯廳事西舍。令府吏封識乃去。明年重午。復送角黍紈扇。所遣使即前送錢者。視西舍封識宛然。更還以告光義。曰。我送猶不受。況他人乎。

趙抃

宋英宗謂趙抃曰。聞卿匹馬入蜀。以一琴一鶴自隨。為治簡易。亦稱是乎。

拈字關道。每日之所為。夜必焚香以告於天。不可告者。不敢為也。及卒。謚清獻。

元范曄。除海南道。撫訪司。照磨。巡歷遐僻。風波瘴厲。無所憚。所至興學教民。雪理冤獄。遷江西湖東道。又改福建閩海道知事。四任佐風憲。謹身守法。不可干以私。蔬食水飲。泊如也。吳澄以為特立獨行之士。可方東漢諸君子。

軒輓

明軒輓。龍邑人。天性廉介。為浙江按察司。前使奢汰不檢。公矯以清約。禁絕和買。四時一布袍。蔬食不厭。約諸僚三日出俸。易山一斤。多不能堪。故舊經過輒留飯。飯惟一肉。

或至殺鷄。見者皆驚。異日軒庶使殺鷄為客。大破費天順。初為刑部尚書。上問曰。昔浙江廣使考滿歸家。僅二竹籠。是汝乎。公頓首謝。

吳隱之

吳隱之有清操。為廣州刺史。羊城西石門有水曰貪泉。飲者輒貪。隱之酌而飲之。曰。古人云。此水一飲。懷千金。試使夷齊飲。終當不易心。其後益勵清操。

丘瓊山先生貪泉對大略云。嶺南之地。多南金珠璣玳瑁犀象海貝異香奇物。皆他方所無者。見者鮮不為之動心焉。且又去中國特遠。吏之賦否。鮮或上聞。而其民

素素懷甘受害而不辭。故吏得以恣其結壑之欲。貪風
恣行。上下交利。漸染成俗。一或屹中流之柱砥。則恣肆
叢之矣。是以士之素負名節。守廉隅者。未入其境。因害
非一人。一跬梅關。泛瀟溪。則其心與昔所非者。合為一
笑。人見其然。因以是目之。是豈水之罪哉。嗟夫。使人而
皆吳隱之也。雖日飲石門之水。不害其為廉。使人非吳
隱之也。雖不飲石門之水。不害其為貪。貪與廉在乎人。
心不在於水也。

揭稽

揭稽建昌人。景泰間。以侍郎巡撫海南。至掃除海外。積年

駐汚黎民如解倒懸始登海岸題詩壁間云秉心玉潔與
水清黜陟貪婪佐聖明若載苞苴並土物任教況在契滄
溟

度量

赤鷁兒。此風致美于元聖。無他斷。秦誓致思夫
相臣。甚矣度量之宜弘也。古之大臣。泰山崩於前而
目不瞬。雷霆作於上而耳不驚。或氣吞平雲夢。或量
侔於滄海。故能集衆思而廣忠益。斷大事而決大疑。
功著鼎鍾而名垂竹帛也。若姁賢。忌能驕矜自喜。如
王莽李林甫輩。一污青史。萬古淒涼也。

妻師德

唐宰相妻師德。寬厚清慎。犯而不校。其弟除代州刺史。將
行德謂曰。吾倏位宰相。汝復為州牧。榮盛過盛。人所嫉也。

將何以自免。弟曰：自今雖有人唾其面，其拭之而已。師德愀然曰：所以為吾憂也。人唾汝面，怒汝也；拭之，乃逆其意，所以重其怒也。夫唾不拭，自乾，當笑而受之。

秋，仁傑之入相也，師德表薦之。而仁傑不知，意頗輕師德。數擠之於外。太后覺之，嘗謂仁傑曰：師德知人乎？對曰：臣嘗同僚，未聞其知人也。太后曰：朕之知卿，乃師德所薦也。亦可謂知人矣。仁傑出，嘆曰：妾公盛德，我為其所包容，又笑吾不得窺其際也。是時羅織紛紜，師德能以功名終，人以此重之。

甚哉功名之際，人所難居也。况多事之時乎？太柔則召

侮太剛則召禍。萎師德惟忠厚自居而能遠害全身。是何異於明哲保身者歟。

裴度

裴度在中書。左右忽白失印。聞者失色。度飲酒自若。頃復白已得之。度亦不喜。或問其故。度曰。此必吏人盜之以印書契耳。急則投諸水火。緩之則復還。故處人服其識量。

呂蒙正

蒙正字聖功。初入朝堂。有朝士指之曰。此子亦參政耶。蒙正佯為不聞。過之。同列不能平。詰其姓名。蒙正遽止之曰。若一知其姓名。則終身不忘。不若弗知之為愈也。時人服

其量。

包拯

包拯性峭直。決介。與人不苟合。一毫不妄取。平居無私書。故人親黨干謁。一切絕之。然惡吏苛刻。務敦厚於人。未嘗不怒。其飲食服用。喜儉朴。雖貴如布衣時。

李沆

李沆秉鈞日。有狂士扣馬獻書。歷詆其短。李遜謝曰。僕歸家當詳覽。狂士遽發訕怒。隨公馬後。肆言曰。居大位不能康濟天下。又不能引退。又妨賢路。寧不愧於心乎。但於馬上蹴踏耳。三曰。屢求退。以主上未賜允。終無忤色。嘗言。

以惟薄之罪加於人。最為暗昧。萬一非辜。則令終身被其惡名。至使君臣父子之間。難施面目。言之得無訥乎。

杜起莘

起莘自蜀入朝。不以家行。高廟聞其清修獨處。甚愛之。一日因得對策。論曰。聞卿出局。即滿圓紙。帳如一行。脚僧真難及也。起莘頓首謝。未幾。遂擢為諫官。張真父戲之曰。吾蜀人。如劉韶美。馬國仲。及僕。皆無妻妾。塊然獨處。與君等耳。君乃獨以此見知。皆按權何也。當極張開鼓詐之。因相與大笑。

按起莘方為言事官。而真父戲之如此。雖真父豪盛。蓋

一時亦可見向來風俗之厚。

趙抃

趙抃字閱道。為成都轉運使。出行部內。惟携一琴一龜。坐則看龜鼓琴。嘗過青城山。遇雪。舍於逆旅。逆旅之人不知其使者也。或狎慢之。公頽然鼓琴不問。

呂公著

公著自少講學。以治心養性為本。平居無疾言遽色。於聲利紛華泊然無所好。其識慮深敏。量弘而學粹。遇事善決。至所遵守則毅然不可回奪。王安石博學騁詞。人莫敢與抗。公著獨以精誠約儉服之。

文彥博

文潞公逮事四朝。任將相五十年。名聞四方。雖窮極富貴。而平居棲物謙下。尊德樂善。如恐不及。立朝端重。公忠直諒。臨事果斷。有大臣風。功成退居朝野。倚重焉。

范純仁

純仁性平易寬簡。不以聲色加人。誼之所在。則挺然不少屈。嘗曰。吾平生所學。得之忠恕二字。一生用不盡。以至立朝事君。接待僚友。親睦宗族。未嘗須臾離也。每戒子弟曰。人雖至愚。貴人則明。雖有聰明。恕已則昏。苟能以貴人之心責已。愛已之心愛人。不患不至聖賢地位也。

劉寬

劉寬字文饒。歷典三郡。溫仁多恕。雖在倉卒。未嘗疾言遽色。吏民有過。但用蒲鞭罰之。示辱而已。終不加苦。每見父老。慰以農里之言。少年勉以孝弟之訓。人皆悅而化之。

按寬性仁厚。夫人欲試其量。適寬朝服入朝。命婢持羹以進。故污其衣。寬急曰。羹爛汝手乎。終不加怒。

蘭相如

趙王以相如為上卿。位在廉頗之右。頗曰。我為將。有攻城野戰之功。相如素賤。徒以口舌而位加我上。我見必辱之。相如聞之。不肯與會。每朝嘗稱病出。而望見輒引車避匿。

其舍人皆以爲恥。相如曰。子視廉將軍。孰與秦王。若何。曰。不若相如。曰。夫以秦王之威。而我廷叱之。相如雖驚獨畏。廉將軍哉。顧吾念。強秦不敢加兵於趙者。以吾兩人存也。今兩虎相鬪。勢不俱生。吾所以爲此者。先國家之急。而後私讐也。顏聞之。肉袒負荊。至門謝罪。遂爲刎頸之交。

胡致堂曰。君子有言。人之情易發而難制者。惟怒爲甚。顏氏以不遷怒。孔子稱其好學門弟子皆不及也。藺廉攻戰之士。耳觀其克己降心。平難平之氣。以義相動。昨。日隙爲怨敵。今日歡若平生。則學於聖人之門者。未易及也。後世比肩事主。離合之迹。有愧於二子者多矣。雖

然結交可也。刎頸相與。則賢者之過也。

寇恂

賈復部將殺人於潁川。潁川太守寇恂捕得繫獄。時尚草創軍營。化法率多相容。恂戮之於市。復以為恥。過潁川。謂左右曰。吾與寇恂並列將帥。而為其所陷。今見恂。必手劍之。恂知其謀。不與相見。弟子谷崇曰。崇將也。請帶劍侍。恂卒有變。足以相當。恂曰。不然。昔蘭相如不畏秦王。而屈於廉頗者。為國也。乃勅屬縣盛供具。儲酒醪。執金吾軍入界。一人皆兼兩人之饌。恂出迎於道。稱疾而還。復勒兵欲追之。而吏士皆醉。遂過去。恂遣崇以狀聞。帝乃徵恂。恂至。引

見時復先在坐。欲起相避。帝曰。天下未定。兩虎安得私關。今日朕分之。於是並坐。極顧共車同出。結友而去。

胡致堂曰。議者或以賈寇之事。擬諸廉蔣者。非也。廉蔣之釁。先起於頗。相如降心。頗即引罪。以所以為賢也。賈復不輯部將。殺人他境。寇恂戮之。不為甚也。使復明達。必且謝過。乃更畜憤。欲手劍之。逮至帝前。憤猶未解。殊無責已訓勅不嚴之意。待以禮而避其鋒。恂則得矣。復豈與廉將軍班乎。

郭子儀

郭子儀入朝。宦者魚朝恩邀之遊章敬寺。元載恐其相結。

密使告子儀曰。朝恩謀不利於公。子儀不聽。將士將襲甲以從。子儀曰。我國之大臣。彼無天子之命。安敢害我。若受命而來。汝曹欲何為。乃從家僮數人而往。朝恩驚問其故。子儀以所聞對。且曰。恐煩公經營耳。朝恩撫膺流涕曰。非公長者。能無疑乎。

胡致堂曰。元載設反間。特欲離魚郭之交耳。而子儀處之。何其盡已。盡人裕然有餘也。其心以君命為主。以天命為斷。一聽之命。則智術可以兩忘。威力可以併棄。疑我者安得不服。惡我者安得不平。此子儀所以輕見朝恩。而有以感動其心也。

按致堂此論深得子儀心事。亦見誠能動物。吾人當存此意。可以處身世之交矣。

寇準

丁謂逐寇準。貶為雷州司戶參軍。京師曰。欲得天下寧。當拔眼前丁。欲得天下好。莫如召寇老。不半載。丁謂亦貶。人皆以為報復之速。天道安可誣也。謂竄崖州。道出雷州。準遣以一蒸羊。逆之境上。謂欲見準。準拒絕之。聞家僮謀欲報讐。亟杜門使縱博。俟謂行遠乃罷。

謂之待準何其刻。準之待謂何其恕。孔子所謂。覲過知仁。於此可見。

愚按士君子之處世也。不能有平而無陂。其接物也。不能有順而無逆。惟持己以敬。而接物以謙。雖有強禦且革心。戢志。況稍知禮義者乎。易之豚魚可孚。詩之鸛音可懷。用此道也。故集蘭寇諸公。以示法云。

范純仁

宋哲宗。貶范純仁於嶺南。聞命怡然就道。或謂近名。純仁曰。七十之年。兩目俱喪。萬里之行。豈其欲哉。但區區之愛君。有懷欲盡。若避好名之嫌。則無為善之路矣。每戒子弟。不可小有不平。聞諸子怨章惇。必怒止之。及在道。舟覆于江。純仁衣盡濕。顧諸子曰。以豈章惇為之哉。

按范公以義命自安。忠愛自許。絕無怨天尤人之意。可
謂純臣矣。晉太子洗馬衛玠。字叔夜。美風神。善清談。嘗
謂人有不及。可以情恕。非意相干。可以理遣。故終身不
見喜愠之色。亦所謂以理自持者。

賞罰

有功不賞。有罪不罰。雖聖王不能治天下。故賞一人。使天下之善者皆勸。罰一人。使天下之惡者皆畏。斯鼓舞人心之大權也。但賞疑惟重。罪疑惟輕。與其殺不辜。寧失不經。然聖帝明王。泣罪解網之盛心。而嘉與維新之至德也。人臣體此意而行之。則賞而過不。失為仁人。罰而過。則淪於忍矣。刑賞見忠厚之至。蘇子之論可三復云。

齊威王

齊威王召即墨大夫。語之曰。自子之居即墨也。毀言日至。

吾使人視即墨田野。聞人民治。官無事。東方以寧。是子不事吾左右。以求譽也。封之萬家。召阿大夫。語之曰。自子守阿。譽言日至。吾使人視阿田野。不聞人民貧餒。昔者趙攻鄆。而子不救。衛取薛。而子不知。是子厚賂吾左右。以求譽也。是日烹之。及左右嘗譽者。于是群臣悚懼。莫敢矯非。務盡其情。齊國大治。

路溫舒

山德綏刑疏曰。夫獄者天下之大命也。死者不可復生。斷者不可復屬。書曰。與其殺一不辜。寧失不經。今治獄吏則不然。上下相毆。以刻為明。深者獲公名。平者多後患。故治

獄之吏皆欲人死。非憎人也。自安之道在人之死。太平未
治。凡以此也。俗語曰。畫地為牢。議不入。刻木為吏。期不對。
獄皆疾吏之風。悲痛之詞也。唯陛下省法制。寬刑罰。則太
平之風可興於世矣。

董仲舒

仲舒對策曰。王者欲有所為。宜求其端於天。天道之大者。
在陰陽陽常居大夏而以生育長養為事。陰常居大冬而
積於空虛不用之處。以此見天之任德不任刑也。王者承
天意以從事。故任德教不任刑罰。今廢先王德教之官。獨
任執法之吏。而欲德教之被四海難矣。

公孫弘

公孫弘對策曰。上古堯舜之時。不貴爵賞而民勸善。不重刑罰而民不犯躬。卒以正而遇民信也。罰當罪則姦邪正。賞當善則臣下勸。此為治之本也。

杜衡

齊軍司杜衡曰。天下大務莫過於賞罰。賞一人使天下之人喜。罰一人使天下之人懼。二事不失。自然盡善。

崔仁師

崔仁師曰。治獄當以仁。恕為本。豈可自規免罪。知其寃而不為伸耶。萬一誤有所縱。以一身易囚之罪。亦所願也。

陸贄

陸贄曰。行罰先貴近而後卑。遠則令不犯。行賞先卑遠而後貴近。則功不遺。

柳公綽

公綽為山東道節度使。過鄧縣。有二吏一犯賊。一舞文衆。謂公綽必殺犯賊者。綽判曰。賊吏犯法。法在。奸吏亂法。法亡。竟誅舞文者。

趙方

宋趙方曰。催科不擾。是催科中。撫字刑罰不差。是刑罰中。教化。

明太祖

太祖嘗謂憲臣曰。任官不當。則庶事不理。用刑不當。則無辜受害。故刑不可不慎也。夫置人於箠楚之下。何求不潔。古人用刑。本求生人。非求殺人。故欽卹爲用刑之本。

用人

稽古唐虞之世。工虞水火。各盡其能。禮樂兵刑。各勤其職。故能庶績咸熙。而府事克修也。蓋人無棄才。亦無全才。故馬或奔蹏而致千里。士或忍辱而取榮名。自古記之。若必全才而後用。是馬必馴驥而後可服。木必梗楠而後可棟。龜必九江而後可卜。王必荆山而後可寶。不益重才難之歎哉。故君子使人惟器而

允公無求備於一人。斯用人之龜鑑也。

齊威王

齊威王謂魏惠王曰。吾臣有擅子者。使守南城。則楚人不敢

敢為寇河上十二諸侯皆來朝吾臣有盼子翁使守高唐則趙人不敢東漁於河吾臣有黔夫者使守徐州則燕人祭北門趙人祭西門從而從者七十餘家吾臣有種青者使脩寇賊則道不拾遺矣四臣者將照千里豈特十二乘而已哉

劉晏

唐劉晏嘗以為輯集衆務在於得人故必擇通精敏悍廉勤之上而用之至於勾檢簿書出納錢穀事雖至微必委之士觀吏惟符牒不得輕出一言嘗言士陷賊則渝棄於時名重於利故士多清修吏雖廉潔終無踴榮利重於

名故吏多貪污

宋璟

唐宋璟為相務在擇人隨材授任使百官各稱其職刑賞無私敢犯顏正諫

李絳

唐憲宗問李絳曰人於同年固有情乎對曰同年乃四海九州之人偶同科第而後相識於情何有宰相職在豈材受任若其人果才雖在兄弟子侄之中猶常用之況同年乎避嫌而棄才是乃便身非徇公也

李昉

李昉為相。和厚多恕。在位小心。醇謹。每有求進用者。雖知其材可取。必正色絕之。而擢用或不足用。必和顏溫語待之。子弟問其故。昉曰。用賢。人主之事。若受其請。是市私恩也。故峻絕之。使恩歸於上。若不用者。既失所望。又無善詞取怨之道也。

常彪

常彪字孟達。平陵人。舉孝廉。肅宗拜大鴻臚。時陳事者多言郡國貢舉率非功次。詔公卿議。彪曰。國以簡賢為務。賢以孝行為首。是以求忠臣必於孝子之門。夫人才行少能相兼。孟公綽優於趙魏老。不可以為滕薛大夫。忠孝之人。

持心近鼻。鍛鍊之吏。持心近薄。士宜以才行為先。不可純以閑閑。然其要歸在於選二千石。二千石賢則貢舉皆得其人矣。又上疏言。天下樞要在於尚書。問者多泛郎官超升。此位雖曉習文法。類無大能。宜鑒舊天提給之對。深思絳侯木訥之功。帝皆納之。官至司徒。

胡世寧

胡世寧為左都御史。掌院事時。當考察執政。請禁私謁。公曰。臣官以察人為名。非察其貌。接其言。無以察其心之邪正。才之短長。若屏絕士夫。徒按考語。則毀譽失真。而求激揚之當難矣。上是其言。遂不禁焉。

呂蒙正

宋太宗欲遣人使朔方。諭中書選才。而可責以事者。時蒙正在中書。以名上。帝不許。他日三問蒙正。三以其人對。帝曰。卿何執耶。蒙正曰。臣非執。蓋陛下未諒耳。因稱其人可使。餘人不及。臣不欲用媚道。妄隨人主意。以害國事。同列竦息。不敢動。帝退。謂左右曰。蒙正氣量。我不如。既而卒用其人。果稱職。

狄仁傑

仁傑為相。嘗薦姚元崇。桓彥範。敬暉等數十人。率為名臣。或謂仁傑曰。天下桃李。悉在公門矣。仁傑曰。薦賢為國。非

為私也。

通事舍人元行冲博學多通。數規諫仁傑。且曰。凡為家者。必有儲蓄。脯醢以適口。參朮以攻疾。僕竊計明公之門。珍味多矣。行冲請脩藥物之末。仁傑笑曰。吾藥籠中物。何可一日無也。

百僚金鑑卷之九

恬退

見幾而作。不俟終日。周易所以垂訓也。既明且哲。以保其身。雅詩所以致美也。蓋津要非久居之地。而主絃無常繫之榮。是以古之達人智士。或功成而身退。或戒滿而乞休。子房辟穀於赤松。少伯泛舟於綠水。午橋庄上。文杏吐碎錦之花。獨樂園中。池竹騰蔥蒨之色。秋風起兮。思萼蘿之正美。春將及矣。念松菊之猶存。洛陽耆英。堪入畫圖。潞公同甲。可破詩歌。鳴琴可以終身。優游聊以卒歲也。若嗜利如蠅。慕饕若螻。

殆至上蔡與黃大之基。華亭發鶴鳴之歎。嗚呼。殆矣。

蔡澤

蔡澤謂應侯曰。身名俱有者上。也。名可法而身死者次也。商君吳起。大夫種之可驗。就與閔天。周公誡。謂曰。日中則移。月滿則虧。進退盈虛。與時變化。今君怨已。辭而德已完。意欲至矣。而無變計。竊為君危之。應侯遂告病免。

按蔡澤傾覆之士。欲託范雎而奪之權。故為危言以動之。非真知功成名退之義也。然善用之。亦足以為戒。君手不以人廢言。故錄之。

張良

張良字子房。韓人也。從高祖定天下。數立大功。及帝即位。良以多病。入關。即杜門。導引不食。穀曰。家世相韓。及韓滅。不愛萬金之寶。為韓復仇。祖擊強秦。天下震動。今以三寸舌為帝者師。封萬戶侯。布衣之榮。於良足矣。願棄人間事。從赤松子遊耳。

司馬溫公曰。子房明辨達理。足以知神仙之為虛偽。而歆從赤松子遊。其智可知也。夫功名之際。人臣之所難處。淮陰誅戮。蕭何繫獄。非以履盈滿而不知止耶。子房托於神仙。遺棄外物。所謂明哲保身者歟。

范蠡

范蠡字少伯。越王句踐之賢臣也。深謀二十年。竟滅吳。以
為大名之下。不可久居。乃遺書文種曰。越王為人長頸烏
喙。可與共患難。不可以共安樂。子何不去。種稱疾不朝。或
謂種且作亂。越王賜劍死。蠡于是裝輕珠寶玉。乘舟泛湖
浮海至齊國。變姓名曰鴟夷子皮。父子治產。至數千金。齊
人聞其賢。聘以為相。蠡嘆曰。居家致千金。居官至卿相。此
布衣之極也。又受尊名。不祥。乃歸相印。盡散其財。懷重寶
間行。止于陶。又謂陶朱公。資累鉅萬焉。

蘇頌演曰。范蠡知句踐可與共患難。則為之戒吳。以致
其功。知其不可與同安樂。則棄之浮於江湖。如去寇讎。

是以吳臣免於惡名可不謂賢哉。

疏廣

漢疏廣為太傅。謂少傅受曰。吾聞知足不辱。知止不殆。今仕宦至二千石。官成名立。如此不去。惧有後悔。即日俱移病。上疏乞骸骨。上皆許之。送者車數百兩。道路觀者皆曰。賢哉。二大夫。歎息為之流下。

徐邈

魏以徐邈為司空。邈歎曰。三公論道之官。無其人則缺。豈可以老病忝之哉。因辭不受。

陶潛

晉陶潛字淵明。為彭澤令。督郵至。吏白應束帶相見。淵明曰。吾豈為五斗米折腰。遂掛冠去。賦歸去來辭以自適。門栽五柳。號五柳先生。

顏延之

劉宋顏延之。其子峻貴重。凡所資供。一無所受。布衣茅屋。蕭然如故。嘗乘羸牛棊車。逢峻肉薄。即奔在道側。嘗語峻曰。吾平生不喜見要人。今不幸見汝。峻起定。延之謂曰。善為之。勿令後人笑汝拙也。

王晞

齊王歆以王晞為侍郎。苦辭不受。或勸之。晞曰。我少年以

來。聞要人多矣。得志少時。鮮不傾覆。且吾性實疎緩。不堪時務。人主私恩。何由可保。萬一猖獗。求退無地。非不好作要官。但思之爛熟耳。

盧景裕

梁盧景裕。性恬靜。歷官屢有進退。無得失之色。敝衣粗食。恬然自安。終日端嚴。如對貴客。

韋世康

隋韋世康。和濟謙恕。為吏部尚書十餘年。時稱廉平。常有止足之志。謂子弟曰。祿量須多。防滿則退。年不待暮。有疾便辭。

張翰

晉惠帝時齊王同專政。張翰顧榮恐其禍及。因秋風起思
菰菜。尊羹。鱸魚膾。歎曰。人生適意耳。須富貴何。為即口引
去。顧酣飲。不省府事。以廢職。徙為中書侍郎。

裴度

唐裴晉公度。自平蔡之後。即乞休。治第東都。集賢聖作別
墅。與涼臺嶼館。號綠野堂。與白居易劉禹錫把酒著文章。
夜相歡。不問人間事。號曰曲江公。又逢午橋庄。澄樂種文
杏。百株名其處。曰碎錦坊。

按窮幽記云。午橋庄小兒坡。茂草盈里。公僕群白羊。散

於其上。曰。芳草多情。賴此點綴。

文彥博

太師文彥博。致仕。歸河南。與富弼等。用白易居故事。就弼第。置酒相樂。尚齒不尚官。洛陽多名園古剎。諸老鵷眉皓白。衣冠甚偉。都人常隨之。已而圓形歟。覺僧舍。謂之洛陽耆英會。司馬光年未六十。以秋燕暮故事。與焉。

按唐白居易東都。自號醉吟先生。常與胡果。吉旼。鄭絳。劉真。張運。秋燕暮皆高不仕者。惟燕暮年未六十。燕暮仁傑孫也。

韓世忠

宋韓世忠。罷為醴泉觀使。自是杜門謝客。絕口不言兵時。跨驢携酒。從一二奚童。縱遊西湖。以自樂。淡然自如。若未
有祿位者。平時將佐罕得見其面焉。

按世忠以樞密歸第。自號清涼居士。時乘小騾放浪西湖泉石間。一日至香林園。蘇仲虎尚書方宴客。忠徑造之。賓主甚歡。盡醉而歸。明日餉以羔羊。且手書二詞以遺之。臨江僊云。冬日青山瀟灑靜。春來山暖花濃。少年
衰老與花同。世間名利客。富貴與貧窮。榮華不是長生
藥。清閑是不老門風。勸君識取主人翁。丹方只一味。盡
在不言中。南鄉子云。人有幾何般。富貴榮華總是閑。自

古英雄都是夢。為官賢玉妻兒宿業經年事已衰殘髮
髮蒼。骨髓乾不道山林多好處貪歡。只恐痴迷誤了
賢。世忠生長兵間初不能書晚歲忽若有悟能作字及
小詩詞皆有佳趣信乎非常之才也。

歐陽脩

歐陽文忠公云。士人歷一任。得外無官謗。中無所愧於心。
釋肩而去。如大熱遠行。雖未到家。得一清涼館舍。解衣漱
濯。已足樂矣。況於致仕而歸。脫冠佩。訪林泉。韻平生一無
可恨者。其樂可勝言哉。

按公在揚州。作平山堂。壯麗為淮南第一。堂後蜀崗下。

臨江南數百里。其間金陵三州隱隱。若可見。公每暑時。輒凌晨携客往遊。遣人往邵伯取荷花千餘朵。以畫盆分插百許。盆與客相間。遇酒即行。遣妓取一花傳客。以次摘其葉。盡處則飲酒。往來載月而歸。

趙汴

趙清獻公自錢塘告老。歸錢塘州宅之東。消暑堂之後。舊據城闔。橫為屋五間。下瞰虛白堂。不甚高大。而最超出州宅及園圃之中。故為州居之。謂之高齋。既治第。衢州臨大溪。其傍不遠數步。亦有山麓。屹然而起。即作別館其上。亦名高齋。既歸。惟居此館。下復與家人相接。但子弟晨昏時。

至以二淨人一老兵為役。早不茹葷。一淨人治膳於外。功德院號餘慶。時以佛慧師法泉主之。泉聰明高勝。禪林言泉萬卷者是也。一輪一僧伴食。泉三五日一過之。脫畧取肉及蘇餚於家。蓋不能終日食素。老兵供掃除之役。事已即去。唯一淨人執事其傍。暮以一風爐置大鉢湯。就可貯斗水。及列盥漱之具亦去。公燕坐。至初夜。蔬寢。鷄鳴。淨人治佛室香火。三擊磬。公乃起。自以執水額面。赴佛室。暮冬尚能日禮百拜。誦經至辰時焉。

文彥博

文潞公在洛時。年七十八。嘗為同甲會。各賦一首。潞公詩

曰。四人三百二十歲。况是同生丙午年。梧棲景園為賦客。合成商嶼採芝仙。清談疊疊風盈席。素髮飄飄雪滿肩。以會後來誠未有。洛中應作畫圖傳。

姚樞

蒙古燕京行省郎中姚樞。棄官隱於蘇門。墾田數百畝。諱茅為屋。置私廟四室。中堂龕魯司寇。客傍列周程張邵。司馬六君千像。讀書其間。以道學自任。刊小學四書諸經傳註。以惠學者。讀書鳴琴。若將終身。

高明

明高明貴溪人。嘗曰。孔戡三宜去。司空圖三宜休。吾無才。

一宜退。有病。二宜退。親老無兄弟。三宜退。及治盜微。宜再退。賊平疾作。宜再退。自稱五宜居士。

楊誠齋

楊誠齋立朝時。計料自京還家之費。裹貯一篋。鑰而置之卧所。戒家人不許市一物。恐累歸櫝。日日若促裝者。又聞有京尹忘其名。不携家。唯弊篋一根。每晨起。則撒帳據席。食畢。則洗鉢收箸。以柱捧撐。弊篋於廳事之前。常若逆旅人將行者。故擊搏豪強。拒絕宦寺。一無所畏。

[illegible]

忠烈

稽古盛世。都俞相成。吁咈相戒。元首明而股肱良。三事脩而六府治。猗歟休哉。何道之隆也。迨世亂而身危。時窮而節見。於是有忠貞自矢。慷慨自命者。心可剖。首可碎。而此志必不可奪。賊敢拒。逆敢擊。而君父必不敢背。浩然之氣。與日月而爭光。激烈之風。同山河而不朽。蓋見理既明。則視死如歸。於以扶植綱常。維持世教。胥賴之矣。雖謂龍比諸君子。至今存可也。

閔龍逢

閔龍逢者。夏桀之臣也。桀為無道。龍逢諫曰。人君謹恭敬。

信。節用愛人。故天下安。而社稷宗廟固。今君用財若無窮。殺人若不勝。民惟恐君之沒亡矣。人心已去。天命不祐。志少悛乎。桀曰。吾之有天下。如天之有日也。日亡吾乃亡矣。遂囚逢而殺之。此諫臣之始也。

二仁

梅伯

殷紂淫亂不止。有梅伯者。性忠直。數諫爭。紂怒而殺之。菹醢其身。有雷開者。性阿佞。進諛言。紂賜之金玉。而封之賞。以要田。微子數諫不聽。乃與太師少師謀。遂去。箕子亦諫不聽。人或曰。可以去矣。箕子曰。知不用而言。愚也。殺身以

彰君之惡。而自悅於民。吾不忍為也。二者不可。然且為之。不祥莫大焉。乃解衣披髮。佯狂為奴。紂又囚之。比干見微子去。箕子佯狂。而嘆曰。主過不諫。非忠也。畏死不言。非勇也。見過必諫。不用即死。忠之至也。乃陳先王艱難。天命不易。國家將亡之明徵。請王洗心易行。伏於象魏之門。進諫不去者三日。紂大怒曰。比干自以為聖人矣。吾聞聖人之心。有七竅。信有諸乎。遂殺比干而剖視其心。孔子曰。殷有三仁焉。

伯夷叔齊

伯夷叔齊。孤竹君二子也。其父將死。遺命立叔齊。父卒。叔

齊遜伯夷。伯夷曰：父命也。遂逃去。叔齊亦不立而逃之。及武王伐紂，載西伯木主以行。夷齊叩馬諫曰：父死不葬，愛及干戈，可謂孝乎？以臣殺君，可謂仁乎？左右欲殺之。太公曰：義士也，扶而去之。及武王即位，夷齊耻食周粟，隱於首陽山。作歌曰：登彼西山兮，採其薇矣。以暴易暴兮，不知其非矣。神農虞夏，忽焉沒兮。我安適歸矣？吁嗟徂兮，命之衰矣。遂餓而死。

按夷齊採薇，野有嬾人曰：子義不食周粟，此亦周家之草木也。于是餓死。方正學先生謂其過乎中庸，但改革之後，不可無此氣槩，以生勝固之色耳。

豫讓

趙襄子漆智伯之頭。以為飲器。智伯之臣。豫讓欲為之報讐。乃詐為刑人。挾匕首入襄子宮中。塗廁左右。欲殺之。襄子曰。智伯無後。而外人欲為報讐。真義士也。吾謹避之耳。讓又漆身為黼。吞炭為啞。行乞於市。其妻不識也。其友識之。為之泣曰。以子之才。臣事趙孟。必得近幸。子乃為所欲為。顧不易耶。何乃自苦如此。讓曰。委質為臣。而求殺之。是二心也。吾所以為此者。將以愧天下後世之為人臣而懷二心者也。後又伏於橋下。欲殺襄子。襄子殺之。

玉燭

燕樂毅破齊。聞盡邑人王燭賢。令軍中環盡邑三十里。使人請燭。謝不往。燕人曰。不來吾且屠邑。燭曰。忠臣不事二君。烈女不更二夫。齊王不用吾諫。故退而耕於野。國破君亡。吾不能存。又欲劫之以兵。吾以其不義而生。不若死。遂自縊。

程嬰公孫杵臼

程嬰。公孫杵臼者。趙朔之客也。司寇屠岸賈攻趙氏於下宮。殺朔。滅其族。朔妻有遺腹子。賈索之不澤。嬰杵臼相與謀曰。立孤與死孰難。嬰曰。死易。立孤難耳。杵臼曰。子為其難者。吾為其易者。乃取他兒匿山中。嬰出謬曰。與我千金。

吾告趙氏孤處賈喜。乃使人隨嬰。殺杵臼及兒。而趙氏真孤在。嬰與俱匿賈宮中。名曰武。後十五年。武長。嬰具實告方謀族賈。覆之。嬰亦自殺。以荅宣孟。與杵臼於地下。

張良

張良字子房。韓人也。自以五世相韓。及韓為秦所滅。良歎為之復讐。始皇東遊。至陽武博浪沙中。良令力士操鐵椎狙擊始皇。誤中副車。始皇驚求弗得。

王經

魏主髦見威權日去。不勝其忿。曰。司馬昭之心。路人所知也。吾不能坐受廢辱。今日當自出討之。尚書王經諫不聽。

遂拔劍升輦。率殿上宿衛蒼頭官僮鼓噪而出。中護軍賈克自外入。逆與髦戰於南闕下。太子舍人成濟抽戈刺髦。殞於車下。詔入殿下。召群臣會議。以王經及其家屬付廷尉。經謝其母。母笑曰。人誰不死。正恐不得其所以。此并命何恨之有。及就誅。故吏向雄哭之哀動一市。

劉沈

晉河間王顥舉兵反。雍州刺史劉沈發兵討之。為顥所獲。沈謂顥曰。知己之惠輕。君臣之義重。沈不可違。天子之詔重。強弱以苟全。投袂之日。期之必死。茲臨之戮。其甘如薺。顥怒殺之。

稽紹

東海王越奉帝征成都王穎。穎遣兵戰於蕩陰。微而侍中稽紹詣行在。秦準謂紹曰。今往安危難測。卿有佳馬乎。紹正色曰。臣子護衛乘輿死生。以之佳馬何爲。及石超軍至。乘輿敗績。百官侍衛皆散。紹朝服登輦。以身衛帝。被殺。血濺帝衣。及穎迎帝入鄴。左右欲浣帝衣。帝曰。稽侍中血。勿洗也。

魯克梁繹

漢劉曜陷北地。進至涇陽。獲將軍魯克。梁繹飲之酒曰。吾得子。天下不無定也。克曰。身為晉將。國家喪敗。不敢求生。

若蒙公恩速死為幸。曜曰：義士也。與之劍，令自殺。緯妻辛氏美色，曜將妻之。辛氏大哭曰：「妾夫已死，義不獨生。」上一嬖人而事二夫，明公又安用之？曜曰：貞女也。亦聽自殺，皆以禮葬之。

卞壺

晉蘇峻反，攻青溪柵。尚書令卞壺帥諸軍拒擊，力疾苦戰而死。二子瞻、盱隨之，亦赴敵死。其母慟哭曰：「父為忠臣，子為孝子，夫何恨乎？」

桓彝

蘇峻陷宣城，內史桓彝聞京師不守，退屯涇縣。裨惠勸彝

與峻通使。彞曰：吾受國厚恩，義在效死，焉能忍耻？與逆臣通問，如其不濟，此則命也。彞遣將軍愈緄守關石，韓晃攻之，將敗。左右勸退軍。緄曰：吾受桓侯恩厚，當以死酬。吾之不可負桓侯，猶桓侯之不可負國也。遂力戰而死。是遂避軍至是城，陷，執彞殺之。

吉挹

晉武帝時，秦韋鍾拔魏興太守吉挹，引刀欲自殺。左右奪其刀，會秦人至，執之，不言不食而死。秦王堅歎曰：周孟威不屈於前，丁彞遠字穆潔已於後，吉祖冲字挹閉口而死，何晉氏之多忠臣也。

張嶠

梁張嶠為吳興太守。侯景使侯子鑒入寇。吳興兵力寡弱。嶠苦生。不閑軍旅。或勸嶠效袁君正迎降。嶠歎曰。袁氏世濟忠貞。不意君正一旦墮之。吾豈不知此難。父全。但以身許國。有死無二耳。戰敗還府。整服安坐。子鑒執送建康。景欲活之。嶠曰。吾忝仕專城。朝廷傾危。不能匡復。速死為幸。景猶欲存其一子。嶠曰。吾一門已在鬼錄。不就爾賊。求活。景怒。盡殺之。

安金藏

武后時。有告皇嗣潛有異謀者。太后命來俊臣。鞠其左右。

太常工人安金藏大呼謂俊臣曰公既不信金藏之言請
剖心以明皇嗣不反即引佩刀自剖其胸五臟皆出流血
滿地太后聞之惻然曰吾有子不能自明使汝至此即命
俊臣停棺睿宗由是得免

盧奕

安祿山陷東京河南尹達奚珣降之留守李愔謂中丞盧
奕曰吾嘗荷國重恩雖智力不敵必死之奕許諾祿山使
人執殺之奕罵祿山數其罪顧賊黨曰凡為人當知順逆
吾死不失節夫復何恨

顏杲卿

史思明陷常山。太守顏杲卿。晝夜撫戰。糧盡矢竭。城陷。執
杲卿及長史袁履謙等。詰送洛陽。祿山數之曰。汝自范陽
戶曹。我奏汝為判官。不數年超至太守。何負於汝而反耶。
杲卿瞋罵曰。汝本營州牧羊羯奴。天子擢汝為三道節度
使。恩幸無比。何負於汝而反。我世為唐臣。祿位皆唐有。雖
為汝所奏。豈從汝而反耶。我為國討賊。恨不斬汝。何為反
也。何不速殺我。祿山大怒。并袁履謙等。縛於中橋三柱而
梟之。杲卿履謙比死。罵不絕口。顏氏死者三十餘人。

張巡 許遠

尹子奇久圍雎陽。城中食盡。議棄城東走。張巡許遠謀曰。

睢陽江淮之保障。若棄之去。賊必乘勝長驅。是無江淮也。
不如堅守以待之。始與士卒同食葉紙。既盡食馬。馬盡羅
雀掘鼠。鼠雀盡。巡出愛妾。殺以食士。遂亦殺其奴。然後拈
城中婦人食之。人知必死。莫有叛者。賊登城。將士病不能
戰。巡西向拜曰。臣力竭矣。不能全城。生無以酬陛下。死當
為厲鬼以殺賊。城陷。巡死。生執許遠於洛陽。巡與賊前後
大小凡四百餘戰。殺賊十二萬人。

文山題雙廟詞曰。為子死孝。為臣死忠。死又何妨。自光
岳氣分。士無全節。君臣義缺。誰負剛腸。罵賊睢陽。愛君
許遠。留得聲名萬古香。後來者無二公之操。百鍊之剛。

唉哉人生。翕歟云亡。好烈烈。轟轟做一場。使當時賣國。甘心降賊。受人唾罵。安得流芳。古廟幽沉。遺容儼雅。枯木寒鴉。幾夕陽。郵亭下。有奸雄過此。子細思量。

石演芬

李懷光與李泚通謀。歆反。其養子石演芬。遣客詣行在告之事。覺。懷光責之曰。我以爾為子。奈何負我死甘心乎。演芬曰。天子以太尉為股肱。太尉以演芬為腹心。太尉既負天子。演芬安得不負太尉乎。演芬小人。不能異心。惟知事一人。苟免賊名而死。死甘心矣。懷光歆左右商食之。皆曰。義士也。以刀斷其喉而死。

段秀實

唐朱泚反。以司農卿段秀實。久失兵柄。意其必快。遣騎士劫之以兵。秀實自度不免。乃往見泚。泚曰。段公來。吾事濟矣。延坐問計。秀實說之。使開諭將士。示以禍福。奉迎乘輿。此莫大之功也。泚不悅。遂議稱帝。事。秀實奪源休笏。前唾泚面。大罵曰。狂賊。吾恨不斬汝萬段。豈泛汝反耶。因以笏擊泚。中其額。流血洒地。泚衆爭前殺之。

顏真卿

李希烈反。宰相盧杞惡顏真卿。欲出之。至是德宗欲遣人宣慰希。杞曰。顏真卿三朝舊臣。忠貞剛決。名重海內。真其

人也。上以為然。遣之。詔下。舉朝失色。真卿乘駟至許。與朱
滔等四使同宴。四使曰。都統將稱大號。而太師適至。是天
以宰相賜都統也。真卿叱之曰。汝知罵安祿山而死者。顏
杲卿乎。乃吾兄也。吾年八十。知守節而死耳。豈受汝曹誘
脇乎。希烈屈以款坑之。真卿怡然見希烈曰。死生已定。何
必多端。急與一叙相與。豈不快公心事耶。後希烈遣中使
縊殺之。

過平原縣詩云。平原太守顏真卿。長安天子不知名。一
朝漁陽動輦鼓。大河以北無堅城。君家兄弟奮戈起。一
十七郡速速盟。賊聞失色分軍還。不敢長驅入帝京。明

皇父子得西狩。由是靈武起義兵。唐家再造李郭力。逆賊
牽制君威靈。哀哉常山賊鉤舌。公歸朝廷氣不折。崎嶇坎
坷不得去。出入四朝老忠節。當年幸脫安祿山。白首竟陷
李希烈。希烈安能還殺公。宰相盧杞欺日月。亂臣賊子歸
何所。茫、烟草中原土。公視于今六百年。忠精赫、雷行
天。

韓通

宋太祖因陳橋兵變。自立而還。周侍衛親軍。副都指揮使
韓通。謀帥衆禦之。軍校王彥昇逐馬通馳入其第。未及闔
門。為彥昇所害。妻子俱死。太祖贈為中書令。以旌其忠。仍

百傳公錄
卷六
六
詔以禮葬之

李筠

昭義節度使李筠。太祖遣使加為中書令。使者至潞州。筠
款拒之。僚佐切諫。乃迫使著置酒。既而取周太祖畫像懸
於壁。涕泣不已。筠長子守節泣諫不聽。遂會北漢師伐宋。
戰敗赴火而死。

李重進

李重進。周太祖甥也。太祖即位。加重進中書令。既而移鎮
青州。重進乃陰懷異志。帝使陳思誨賁賜鐵券。以安其心。
重進猶豫。自以周室懿親。恐不得全。遂拘思誨。治城繕兵。

遣人求援于唐。主以聞。帝親征。城將陷。重進盡室自焚。思誨亦被害。

呂氏中曰。韓通死於宋。未受禪之頃。忠義之志明矣。李筠李重進。舊史書叛。與否未易言也。洛邑所謂頑民。非殷之忠臣乎。或曰。三人者。嘗臣漢晉矣。曰。智氏之豫讓。非欤。

蘇軾

宋蘇軾知邕州。交趾人圍之。軾悉力拒守。外援不至。城遂陷。軾殺其家三十六人。因自焚死。城中人感軾之義。無一人從賊者。於是交人盡屠其民。

按蘇緘死難。始于王韶開邊。蕭注慕其功。而釀成交趾之累也。合家全節而殉國。神宗嘗以張巡許遠比之。嗚呼。緘其人傑也哉。

唐仲

經畧使唐仲。為永興軍。金人焚室園之。仲度勢不可支。乃以書別其父曰。忠孝不能兩全。義不苟生。以辱吾父。父曰。汝能以死殉國。吾含笑入地矣。遂與僚屬八人俱死。又金人陷汾州。知州張克戩。畢力捍禦。城破尤巷戰。不克。乃南向拜。自引決。凡一家死者八人。

李若水

李若水為吏部侍郎。隨欽宗至金營。粘沒喝令曰。必使李侍郎無恙。若水絕不食。或勉之曰。事無可為者。今日順從。明日富貴矣。若水嘆曰。天無二日。若水寧有二主哉。其僕亦慰解之曰。公父母春秋高。若少屈。與得歸覲若水。叱之曰。吾不顧家矣。忠臣事君。有死無二。乃罵不絕口。監軍搥破其唇。噴血罵愈切至。以刀裂頸。斷舌而死。金人相與言曰。遼國之亡。死義者千數。南朝惟李侍郎一人。

劉韜

資政殿學士劉韜。因金人陷京師。欲以為相。韜曰。偷生以事二姓。有死不為也。歸書片紙曰。金人不以手為有罪。而

以予為可用。夫貞女不事二夫。忠臣不事二君。况主辱臣死。以順為正者。妾嬬之道也。予所以必死也。使親信持歸。告其子。子羽等。即沐浴更衣。酌卮酒而縊。金人嘆其忠。瘞之寺西崗上。遍題總壁。以誌其處。凡八十日。乃就斂。顏色如生。

丁南湖曰。李若水嘗奉車駕出城。亦在誤國之列。劉幹素為童貫所知。預彼軍事。及其一死。徇國而前。愆盡拚。遂以忠義榮於萬世。則君子歸節末路。可不知所勉哉。

張叔夜

簽書樞密院事。張叔夜。既北。迂道中。惟時飲水。義不食粟。

至白溝。禦者曰：「過界河矣。」叔夜乃矍然起，仰天大呼，遂不復語。明日，扼吭而死。

李芾

李芾知潭州。元人圍之日久，芾日以忠義勉其將士，死傷相藉，人猶歆血。死，戰城中，大窘，力不能支，乃召帳下沈忠遺之金曰：「吾力竭，分當死。吾家不可辱于俘，汝盡殺之，而後殺我。」忠辭以不能，芾固命之。忠泣而諾，取酒飲其家人，盡醉，乃之。芾亦引頸受刃，忠還家殺已妻子，亦自刎。

陳文龍

陳文龍知興化軍。元人陷之，文龍被執，欲降之。文龍指其

膠曰此皆節義文章也可相逼耶卒不屈乃械送杭州不食而死。

文天祥

信國公文天祥留燕三年。坐卧一小榻。足不履地。時元主求南人有才者甚急。王積翁荐之。天祥曰。國亡。吾分一死耳。倘緣寬假。得以黃冠歸故鄉。他日以方外脩顧問可也。若遽官之。非直亡國之大夫。不可與面存。舉其平生而盡棄之。將焉用我。帝知其不可屈。議將釋之。未幾。中山有狂人。自称宋主。有數千人。欲取文丞相。帝乃召天祥入。諭之曰。汝何願。天祥曰。天祥受宋恩。為宰相。安事二姓。願賜之。

以死是矣。帝猶未忍。左右力贊。帝遂其請。乃詔有司殺于
燕京之紫市。俄有詔止之。至則天祥死矣。天祥臨刑。殊逆
客謂吏卒曰。吾事畢矣。南向拜而死。年四十七。其衣帶中
有贊曰。孔曰成仁。孟曰取義。惟其義盡。所以仁至。讀聖賢
書。所學何事。而今而後。庶幾無愧。數日。其妻歐陽氏收其
屍面如生。南北人聞者。皆為流涕。

翰林學士王傑以詩哭之曰。大元不殺文丞相。君義臣
忠兩得之。義似漢王封齒日。忠如蜀將斬顏時。精神貫
日華。義見氣節凌霜天。地知却恐史臣編不到。老夫知

淚爲新詩。

許有壬曰。宋養士三百年。得人之盛。軼漢唐而過之。及天命已去。文天祥萬變不渝。一旦就義。光明俊偉。宋之亡。守節不屈者有之。未有、為若天祥者。事固不可以成敗論也。

謝枋得

元世祖訪求南人有才者。甚急。御史程文海薦謝枋得。枋得遺文海書曰。某所以不死者。以母在耳。先妣今考終。某自今無意人間事矣。亡國之大夫。不可與圖存。李左車猶能言之。况稍知詩書。頗知理義者乎。某之至愚極闇。決不可以辱君命。亦明矣。及覩天祐逼之北行。與之言。坐而不

對或嫚言無禮。天祐久不能堪。乃讓曰。封疆之臣。當死。封疆安仁之敗。何不死。枋得曰。程嬰公孫杵臼。二人者。皆忠於趙。一存孤。一死節。一死于十五年之前。一死于十五年之後。萬世之下。皆不失為忠臣。王莽篡漢十四年。龔勝乃飢死。亦不失為忠臣。韓退之云。蓋棺事始定。天祐曰。強詞。枋得曰。昔張儀語蘇秦舍人云。當蘇君時。儀何敢言。今日乃叅政之時。枋得復何言。枋得不食二十餘日。不死。乃復食。只茹小菰蔬果。積數月。固始。四月初一日。至燕京。初五日。死于驛。

丁南湖曰。文山餓而不死。乃受殺身之慘。疊山餓而得

死乃獲全屍之幸。蓋二人之成就人才各一道也。死之以殺所以成其龍比之忠死之以賊所以成其彛齊之節。

趙昂發

元人徇池州。通判趙昂發攝州事。繕壁聚糧為固守計。都統張林陰遣人納款。昂發知事不濟。謂妻雍氏曰。城將破。吾守臣不當去。汝先出走。雍氏曰。君為命官。我為命婦。君為忠臣。我獨不為忠臣嬖乎。昂發笑曰。此豈嬖人女子所能也。雍曰。吾請先君死。昂發笑止之。及元帥薄城。昂發晨起書几上曰。國不可背。城不可降。夫婦同死。節義成。遂

於雍氏同繼死。送容堂。

周靜軒曰。昂發身沒王事。抑且妻死夫難。節義之道。萃於一門矣。

唐震

元人徇饒州。知州唐震。發民守城。元遣使來取降款。震叱之曰。我忍偷生負國耶。城中少年感震言。殺元使者。已而元軍登陴。衆皆散。震入坐府中。元軍執續使署降。震擲筆于地。不屈而死。初。萬里聞襄樊破。鑿池芝山後園。扁其亭曰止水。人莫喻其意。及城歿破。萬里執門人陳偉。告手曰。大勢不可為。余雖不在位。當與國為存亡。遂赴止水死。在

右及子鵠相繼投沼內。積屍如疊。翼日萬里屍獨浮出。送者歛葬之。

李齊

張士誠據高郵。已而有詔赦之。使至。不得入。賊紿言。請李知府來。乃受命。行省強李齊往。至則下齊于獄。雖辨說百端。而士誠本無降意。呼齊使跪。齊曰。吾膝如鉄。豈為賊屈。士誠怒。使曳倒。搥碎其膝。而問之。時論大科三魁。若李齊。秦不華。及齊皆不負所學云。